

Powšitkowne WOZJEWJENJA

njedźelu, 21. awgusta 2016

Zelowy swjedzeń w Klóštrje

W klóšterskej zahrodze w Pančicach-Kukowje je tutu njedźelu, 21. awgusta, tradicionalny zelowy swjedzeń. Ekumeniski nyšpor w 14.30 hodź., na kotrymž so zelowe kwěćele požohnuja, změjetaj kanonik Benno Schäffel z Drježdžan a serbski superintendent Jan Malink z Budyšina. Rjadniske sotry Božu službu sobu wuhotuja. Tež zelowe wiki so popołdnu přewjedu.

Zapokazanje noweho biskopa Timmerversa

Na Božu mšu ze zapokazanjom noweho Drježdžansko-Mišnjanskeho biskopa Heinricha Timmerversa su wšitcy wěriwi sobotu, 27. awgusta, w 10 hodź. do Drježdžanskeje katedrale přeprašeni. W njej je jeničce wěsty džěl njerezwowany. Wěriwi bjez městnych lisčikow měli nabočny zachod A wužiwać. Štóž w cyrkwi hižo městno njenańdže, změje składnosć, Božu mšu na Hrodowym naměšće na widejowej scěnje scěhować. Telewizija MDR tute live přenjesje. Po kemšach změja wěriwi přiležnosć, so ze swojim nowym biskopom w tak mjenowanym Stallhofje zetkać a so z nim rozmołwjeć.

Z busom na zapokazanje noweho biskopa

Na zapokazanje noweho Drježdžansko-Mišnjanskeho biskopa Heinricha Timmerversa sobotu, 27. awgusta, w Drježdžanach pojedže tež bus Šmitec wozydłownistwa. Zajimcy měli so w Radworju pola Šmitec přizjewić, telefonowe čisło (03 59 35) 28 60.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. septembra, w 14 hodź. do Domu biskopa Bena w Smochćicach přeprašeni. Zajimcy njech so prošu hač do srjedy, 31. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

„Płodaj lubosće stej miłosć a wodawanje“

Wšitcy člonjo wosadnych radow w Budyskim dekanaće a Towarstwa Cyrila a Metoda z.t. (TCM) su njedźelu, 4. septembra, na dalekubłanje k temje „Płodaj lubosće stej miłosć a wodawanje“ přeprašeni. Wone budže wot 8.00 do 10.20 hodź. na Chróšćanskej farje. Přednošk změje Elisabeth Neuhaus z Drježdžanskeho biskopskeho ordinariata. Tež dalši zajimowani su wutrobnje na tute zarjadowanje witani. Wobdžělnicy móža w 7 hodź. (serbsce) abo w 10.30 hodź. (němsce) njedźelnu Božu mšu w Chróšćanskej cyrkwi wopytać.

Zhromadny dzeń na Kukowskim hrodzišću

Dekanatne dušepastyrstwo přeprašuje džěci 5. a 6. lětnika sobotu, 10. septembra, wot 9.00 do 15.00 hodź. na Kukowske hrodzišće. Zajimcy njech so prošu hač do wutory, 6. septembra, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

Notowy material kěrlušow za dujerjow

Załožba za serbski lud je wudała zběrku z kěrlušemi, kotrež je komponist Jan Cyž zestajał a za dujerske kwartety wobdželał. Dohromady je to 101 kěrluš.

Dwě partiturje předležitej: jedna za dvě trompeće, tenorowy ról a tubu a dalša za dvě trompeće a dvě pozawnje. Nimo toho je notowy material za kóždy jednotliwy instrument wušoł. Žórlo wobšěrneho džěla sadźbow Jana Cyža běchu melodije z předchadźaceho wudaća Wosadnika z lěta 1977. Rjadowane su wone po swjedženjach w běhu cyrkwinskeho lěta a po woběhu Božeje mšě. Nimo toho su na přikład tohorunja kěrluše za křćeńcu abo pohrjeb zapřijate. Na předań je notowy material – partitury a hłosy – w Budyskej Serbskej kulturnej informaciji na Póstowym naměšće.

Atraktiwne džěło w Domje swjateho Jana

Při nowym poskitku spěchowanja duchownje zbrašenych pyta Dom swjateho Jana w Smječkecach žónske a muske fachowe mocy předewšěm z kwalifikaciju ergoterapeuta, fyzioterapeuta, hladarja a kublarja zbrašenych a podobne. Džělowe městna maja so hnydom abo po dorěčenju wobsadzić. Džělowy čas je mjez 8.00 a 17.00 hodź. Dalše informacije dóstanu zajimcy w Smječkecach pod telefonowym čislom (03 57 96) 88 61 11.

Dom swjateje Ludmile pyta pomocnicy

Za Dom swjateje Ludmile w Chróscicach pytamy dobrowólne pomocnicy, kotrež měli wobydlerjow starownje k Božej mši přewodžeć. Kemše su stajnje wutoru a štwórtk w 9.00 hodź. Witana je kóždy pomoc, tež jeničke na jednym dnju. Přizjewić měli so zajimče pola wjednistwa domu pod telefonowym čislom (03 57 96) 9 47 30. *W. Brězan*